

A Mesa da Deputación Permanente do Parlamento de Galicia, na súa reunión do día 14 de xullo de 2020, adoptou, entre outros, o seguinte acordo:

PUNTO 2.º COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

3. Administración do Parlamento de Galicia

3.2. Asuntos económicos e contratación

3.2.b) Contrato administrativo de servizos para a adquisición dunha solución de accesibilidade que proporcione unha versión accesible da páxina web e a sede electrónica do Parlamento de Galicia (adxudicación do contrato)

I. O 4 de xuño de 2020, a Mesa da Deputación Permanente do Parlamento de Galicia acordou iniciar o procedemento e aprobar os pregos de cláusulas administrativas e de prescricións técnicas desta contratación administrativa, mediante procedemento aberto simplificado con tramitación abreviada, e por un valor estimado de 27.000,00 €.

II. O procedemento foi publicado na plataforma de contratos públicos de Galicia e na plataforma de licitación electrónica do Parlamento de Galicia, xunto cos pregos e o resto da información e documentación legalmente exixida, o 5 de xuño de 2020. O prazo para a presentación de ofertas rematou o 19 de xuño de 2020.

Logo de rematado o prazo para a presentación de ofertas, constatase a recepción das seguintes proposicións:

- Cumulus City S.L. (rexistro nº 64373)
- Everycode Sociedad Limitada (rexistro nº 64394)

III. O Servizo de Persoal e Réxime Interior procedeu á apertura das proposicións presentadas. Descargada a documentación procedeuse á comprobación da validez dos respectivos documentos.

A documentación técnica presentada polas empresas foi remitida ao Servizo de Tecnoloxías da Información para o seu estudo e a comprobación da adecuación e sometementos aos requirimentos técnicos exixidos nos pregos.

IV. Segundo pon de manifesto o xefe do Servizo de Tecnoloxías da Información no seu informe de 25 de xuño, a proposición de Cumulus City S.L., non cumpre cos requisitos mínimos esixidos no prego de prescricións técnicas, en concreto nos seguintes puntos:

- A oferta técnica é xenérica e non detalla a implantación, así como o equipo de traballo.
- Presenta unha enumeración de características nas que se botan en falta as seguintes:

Servizo de Persoal e Réxime Interior
Intervención e Asuntos Económicos



- Que o usuario sexa capaz de navegar emitindo calquera tipo de son, sen utilizar as mans e sen necesidade de vocalizar comandos.
- Ademais a implantación debe incluír a parte da sede electrónica. Non se detalla a capacidade para a xestión de certificados.
- Non indica os SLA's sobre a dispoñibilidade do servizo.
- Non existe ningunha referencia ao prazo de implantación.

Conforme ao establecido na cláusula décima, punto 2, do prego de prego de cláusulas administrativas que reñen este procedemento, se excluír as ofertas que non cumpran os requisitos dos pregos; procede, polo tanto, desestimar a oferta de Cumulus City, S.L.

Segundo o informe técnico a oferta de Everycode, S.L., cumpre cos requisitos mínimos esixidos no prego de prescricións técnicas, sen embargo se comproba que a súa oferta económica esta incurso en posible anormalidade, ao teor da cláusula décimo primeira do prego de cláusulas administrativas.

O 29 de xuño de 2020 requiríuse a Everycode, S.L., mediante a plataforma de licitación electrónica, que xustificara razoada e detalladamente os parámetros con base nos cales definiu a súa oferta que xustificaran a viabilidade da oferta. A empresa accedeu ao requirimento o 30 de xuño, e contestou ao requirimento o 1 de xullo de 2020.

A documentación presentada pola empresa para xustificar o prezo da súa oferta foi remitida ao Servizo de Tecnoloxías da Información para a súa avaliación que, mediante informe de 2 de xullo, acepta a xustificación dada pola empresa, considerando viable a execución do contrato polo prezo ofertado.

V. Comprobase que a empresa está validamente inscrita do Rexistro Oficial de Licitadores e Empresas Clasificadas do Sector Público, constando que está debidamente constituída, que o asinante da proposición ten poder bastante para formular a oferta, e que non está incurso en ningunha prohibición para contratar a 3 de xullo de 2020.

Autorizado pola empresa na súa declaración responsable, o Servizo de Persoal e Réxime Interior obtivo directamente da Axencia Tributaria de Galicia, da Axencia Estatal de Administración Tributaria e da Seguridade Social respectivos certificados positivos de estar ao corrente de débedas coas ditas administracións.

VI. En consecuencia, cumpridos os trámites legais e regulamentarios, propónse á Mesa da Deputación Permanente do Parlamento, unha vez sexa esta proposta fiscalizada favorablemente pola Intervención da Cámara, a adopción do seguinte acordo:

1º- Desestimar a oferta de Cumulus City S.L., por non cumprir cos requisitos mínimos esixidos no prego de prescricións técnicas.

2º.- Adxudicarlle o contrato a **Everycode, S.L.**, polo seguinte importe:

Servizo de implantación: 0,00 €

Servizo anual: 4.900,00 €

Servizo de Persoal e Réxime Interior
Intervención e Asuntos Económicos



IVE:..... 1.029,00 €
Total:..... 5.929,00 €

VII. Visto o informe de fiscalización da Intervención da Cámara.

A Mesa da Deputación Permanente adopta o seguinte ACORDO:

1.º) Desestimar a oferta de Cumulus City S.L., por non cumprir cos requisitos mínimos esixidos no prego de prescricións técnicas.

2.º) Adxudicarlle o contrato a **Everycode, S.L.**, polo seguinte importe:

Servizo de implantación: 0,00 €
Servizo anual: 4.900,00 €
IVE:..... 1.029,00 €
Total:..... 5.929,00 €

3.º) Comunicarlles este acordo aos licitadores, á Intervención e Asuntos Económicos e ao Servizo de Persoal e Réxime Interior.

4.º) A formalización do contrato entenderase realizado coa sinatura polo adxudicatario da notificación da adxudicación, que deberá achegar mediante a plataforma de licitación electrónica. A duración do contrato estenderase desde o momento da súa formalización ata 31 de xullo de 2021. Desde a formalización do contrato disporase ata o 31 de xullo de 2020 para entregar e recibir a implantación; a partir do 1 de agosto de 2020 deberá estar dispoñible na web e sede electrónica o servizo.

5.º) Publicar a adxudicación e/ou a formalización do contrato no perfil de contratante do Parlamento de Galicia.

6.º) Contra este acordo de adxudicación, que esgota a vía administrativa, poderá interpoñerse, no prazo de dous meses desde o seguinte a esta notificación, recurso contencioso-administrativo ante o Tribunal Superior de Xustiza de Galicia conforme ao disposto na lei reguladora da dita xurisdición, sen prexuízo de interpoñer, potestativamente, recurso de reposición, previsto nos artigos 123 y 124 da Lei 39/2015, do Procedemento Administrativo Común das Administracións Públicas.

7.º) De conformidade co disposto no artigo 346 da LCSP, a comunicación, se procede, dos datos básicos do contrato ao Rexistro de Contratos do sector público.

Santiago de Compostela, 14 de xullo de 2020

Xosé Antón Sarmiento Méndez
Letrado Oficial Maior

Xosé Antón Sarmiento
Mendez, Letrado Oficial
Maior

Firmado digitalmente por Xosé Antón Sarmiento
Mendez, Letrado Oficial Maior
Nombre de reconocimiento (DN): cn=Xosé Antón
Sarmiento Mendez, Letrado Oficial Maior,
email=xsarmiento@parlamentodegalicia.gal
Fecha: 2020.07.15 09:14:27 +02'00'

Servizo de Persoal e Réxime Interior
Intervención e Asuntos Económicos



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 15/07/2020 09:16:15
Nº Rexistro: 3
Data envío: 15/07/2020 09:16:15.824

Xosé Antón Sarmiento Mendez, Letrado Oficial Maior na data 15/07/2020 9:14:27

CSV: REXISTROAehhyS3Nq9
Verificación:
<https://sede.parlamentodegalicia.gal/tramites/csv/>

